

民國叢書

第三編

· 77 ·

歷史·地理類

嚴幾道年譜

王蘧常編著

弘一大師年譜

林子青編

蘇曼殊年譜及其他

佛亞子

柳無忌編

徐志摩年譜

陳從周編

上海書店

王蘧常著

嚴幾道年譜

中華民國二十五年一月初版

(36239)

中國史嚴幾道年譜一冊

每冊定價國幣伍角伍分

外埠酌加運費

版權
翻印
所有
必究

著者

王

蓮

常

主編者

何

炳

松

發行人

王

雲

五

印刷所

上海

河南路

書館

發行所

上海

及各埠

商務印書館

(本書校對者王崑樹劉紹勳)

◆0六一六一

平

嚴幾道年譜

先生諱復，初名體乾，入馬江船政學堂，易名宗光，字又陵，登仕始改今名，字幾道，晚號癡癡老人。

先生長君伯玉，別署天演，宗哲學家，人問世小品文，牛刊第二十一，又別號算疑尺蠖，燕京大學社

京卿瑛言，姓嚴氏，福建侯官人也，陳復庵關學寶琛清故資政大，入民國，以侯官併閩縣，稱閩侯，先

會思想，姓嚴氏，福建侯官人也，陳復庵關學寶琛清故資政大，入民國，以侯官併閩縣，稱閩侯，先

世河南固始籍，李唐末造，有諱仲傑者，以朝請大夫隨王潮由中州入閩，即家於侯官之陽崎。

卿先府實爲先生之始遷祖，陽崎溪山寒碧，樹石幽秀，外臨大江，中貫大小二溪，左右則有玉屏山

李家山，楞嚴諸丘壑，土著唯嚴陳二姓，陳氏少聞人，陳石遺學部衍石，嚴氏族姓寥落，可序而數者

都數十百家，雖傳世邈遠，皆相親附，先生親海大兄，遠室詩話卷五，先生曾祖諱煥然，嘉慶庚午舉人，松溪訓導，祖

諱秉符，嗣祖諱秉忠，父諱振先，以醫名州里，陳志並號志范，伯玉京兄一口口，長先生二歲，幼殤，妹

二，適何，適陳，陳嚴

嚴幾道年譜

十二月初十日先生生於閩垣之南台。時志范先生三十三歲。母陳太夫人二十一歲。嚴實洪秀全定都金陵英人割緬甸之年。而雅片戰爭後之六年也。

咸豐四年甲寅

一千八百五十四年 先生二歲

咸豐五年乙卯

一千八百五十五年 先生三歲

咸豐六年丙辰

一千八百五十六年 先生四歲

咸豐七年丁巳

一千八百五十七年 先生五歲

隣有鑿井。設架高丈餘。先生竊登之。俯視井底。大呼圓哉圓哉。陳太夫人聞而出視。大驚。恐其懼而下隊也。不敢斥言。遂陽爲悅狀而言曰。兒能真過人。如馮梯下。則更能矣。及下。始笞責之。嚴林耀華復社會

想思

咸豐八年戊午

一千八百五十八年 先生六歲

咸豐九年己未

一千八百五十九年 先生七歲

先生早慧。陳志是年始就外傳。先後從師數人。已不可考其名字。中曾從五叔父厚甫孝廉。煥昌遊。嚴據

譜

秋。英吉利法蘭西聯軍入寇。

咸豐十年庚申一千八百六十年先生八歲

本年。英法聯軍破天津。入北京。

咸豐十一年辛酉一千八百六十一年先生九歲

穆宗同治元年壬戌一千八百六十二年先生十歲

同治二年癸亥一千八百六十三年先生十一歲

本年志范先生。同邑黃少巖布衣昌縣館於家。嚴復社布衣爲學。漢宋並重。著有閩方言等書。嚴

於是先生始治經。有家法。飲聞宋元明儒先學行。陳墓時與他人合賃一屋。居樓上。每夜樓下演劇。

布衣輒命就寢。劇止。挑鐙更讀。其嚴如此。據嚴復社會思想

同治三年甲子一千八百六十四年先生十二歲

六月。洪秀全之亂平。

同治四年乙丑一千八百六十五年先生十三歲

黃少巖布衣卒先生哀慟不已嚴復社會思想改從其子孟脩成均增來遊嚴

同治五年丙寅一千八百六十六年先生十四歲

德配王夫人來歸嚴諸生子一環

六月志范先生卒家貧不再從師據嚴譜○案先生題周養庵舞盤紡績圖有云我生十四齡阿父

於此時十指作耕耒上掩先人骸下撫兒女大富貧生死問飽悶親知態門戶支已難往往遺無賴五更寡娘哭聞者嚔心肺可知當日情況時同邑沈文肅公葆楨以巡

撫居憂在里錢子泉教授基博現初創船政招試英少陳慕志入馬江學堂習海軍試題大孝終身慕

父母論先生應試成文數百言以進嚴譜文肅奇之用冠其曹陳慕志○通案池仲祐海軍大事記云

政購機器築船塢設前後兩學堂招習年聰穎子弟肄習製青駕駛諸術先生大事記序言亦云不

依年十有五則應募為海軍生則此事似應在六年而痛學堂詩集卷上送沈濤園備吳淮陽詩有

云尙憶垂髫十五時一篇大學論能奇注云同治丙寅侯官文

肅公開船廠招子弟肄業云云則又明謂本年疑莫能明待攷

同治六年丁卯一千八百八十七年先生十五歲

入馬江學堂肄業所習者為英文算術幾何代數解析幾何割錐平三角弧三角代積微動靜重學

水重學。電磁學。光學。音學。熱學。化學。地質學。天文學。航海術等。應當是時馬江船司空草創未就。借城南定光寺爲學舍。同學百人。旋移居馬江之後學堂。先生海軍大學堂正副監督。爲法人日意格。

德克碑。據海軍大事記

同治七年戊辰。一千八百六十八年先生十六歲

同治八年己巳。一千八百六十九年先生十七歲

同治九年庚午。一千八百七十年先生十八歲

同治十年辛未。一千八百七十一年先生十九歲

是年先生以最優等卒業。據嚴與同學劉步蟾林泰曾何心川葉祖珪蔣超英方伯謙林承謨沈有

恆林永升邱寶仁鄭溥泉葉伯鋆黃建助許壽山陳毓淞柴卓羣陳錦榮等十八人。派登建威練船

練習。巡歷南至星加坡檳榔嶼各地。北至直隸灣遼東灣各地。海軍大事記

同治十一年壬申。一千八百七十二年先生二十歲

是年船政自製揚武等五兵船成。據大事記先生改派登揚武。巡歷黃海及日本各地。船長爲英人德勒

塞 Commander Tracey 中校。案後游羅至中將是時日本亦始翹海軍。揚武至長崎橫濱各地。聚觀者

至數萬人。德勒塞任滿將歸。謂先生曰。子於海軍學術。今已卒業矣。不佞即將西歸。積年相處。臨別惘然。不能無一言相贈。蓋學問並不以卒業爲終事。此後自行求學之日方長。子如不自足自封。則新知無盡。惟子勉之而已。此不第海軍一業爲然也。先生聞之悚然。謹啟

同治十二年癸酉一千八百七十三年先生二十一歲

同治十三年甲戌一千八百七十四年先生二十二歲

日本構置臺灣番社。沈文肅公以船政大臣奉詔視師。據沈鴻烈中丞奏。嚴鴻慈集。序。謂事在乙亥誤。檄先生隨揚武兵船東渡。謁敵。並勘量臺東背旂萊蘇澳各海口。月餘竣事。據大事記。弁言。及嚴附陳志。繕具說帖呈報。文肅

卽據以入奏。京卿

本年長子璵生。字曰伯玉。伯玉京卿書

德宗光緒元年乙亥一千八百七十五年先生二十三歲

光緒二年丙子一千八百七十六年先生二十四歲

十二月據清史紀事本末

先生與劉步蟾林泰曾蔣超英方伯謙何心川林永昇葉祖珪薩鎮冰黃建勳江

懋社林顯啓等以駕駛學生派赴英吉利學習事

隨留學生監督李鳳苞同住據清史紀事本末及嚴謨○案嚴謨

以此事繫在二十三歲誤

光緒三年丁丑

一千八百七十七年

先生二十五歲

入英吉利格林回次抱士穆德大學院

據李文忠公鴻章沈文肅公葆楨奏送閩廠生徒出洋習藝並酌議章程疏清史紀事本末○案此行在二年冬十二月

則入大學院自應繫在本年嚴謨繫在二十四歲亦誤又案中國留學史云二年十二月李鴻章等奏准派遺至三年始出誤不知何據

肄習高等算學格致海軍戰術海戰公法及建築海軍砲堡諸藝術嚴是時日本亦始遣人留學西

洋陳慕志

伊藤博文大隈重信之倫皆其選

據現代文學史

君試輒最湘陰郭筠仙侍郎

謨

方使英引與論

析中西學術政制之異同往往日夜不休

據陳慕志並嚴謨

侍郎嘗致函樞近某公有出使茲邦惟嚴君能

勝其任如某者不識西文不知世界大勢何足以當此語某公目以爲狂置之而已嚴復社會思想

光緒四年戊寅

一千八百七十八年

先生二十六歲

嘗入英法庭觀其聽獄歸邸數日如有所失嘗語郭筠仙侍郎謂英國與諸歐之所以富強公理日

伸其端在此一事侍郎深以爲然。法意十一卷案詳

光緒五年己卯一千八百七十九年先生二十七歲

在英卒業東歸。嚴譜○近五十年見聞錄云先生留學英倫畢業歸國中途風雨夜至波浪滔天船

手館以醫之適有他船過聞館聲知有人在船政大臣吳贊誠聘先生爲船政學堂教員。據嚴譜○

移舟救之始免於難未知確否姑附於此以前伍昭辰太守光建云先生歸國後嘗爲某船大副亦不知在何時並附注於此

日本取我藩屬琉球。

冬沈文肅公葆楨薨。清史稿本傳

光緒六年庚辰一千八百八十年先生二十八歲

直隸總督李文忠公鴻章經營北洋海軍。偉先生能辟總教習天津水師學堂而吳口口觀察。仲翔

爲之總辦。以先生時勵積資至都司也。實由先生一人主之。據陳墓志及嚴譜常柴車野服往來於京津之

間。林琴南孝廉舒長廬文集尊疑齋書圖記朝之碩臣及錚錚以國士自期許者咸折節爭集先生之廬。長廬文集江先

生慨夫朝野玩愒而日本同學歸者皆用事圖強徑剪琉球則大戚常語人不三十年藩屬且盡。綴

我如老牯牛耳。聞者弗省。文忠亦患其激烈。不之近也。陳墓志

初識呂秋樵刺史。增詳○案不能知其年代伯玉京卿

云識於李文忠公幕中姑繫於此

光緒七年辛巳一千八百八十一年先生二十九歲

初讀英人斯賓塞 Herbert Spencer 羣學肄言 Study of Sociology 輒歎得未曾有。嘗言生

平獨往偏至之論。及此始悟其非。以爲其書實兼大學中庸精義。而出之以翔實。以格致誠正爲治

平根本矣。每持一義。又必使之無過不及之差。於近世新舊兩家學者。尤爲對病之藥。雖引喻發揮。

繁富弔詭。顧按脈尋流。其義未嘗晦也。其繕性 Discipline 以下三篇。真西學正法眼藏。智育之

業。舍此莫由。斯賓塞氏此書。正不僅爲羣學導先路也。先生羣學肄言譯餘贊語其後譯斯賓塞羣誼篇。柏捷特

Bagehot Walter 格致治平相關論 Physics and Politics 兩書。天演論導言十三案語以饗學者。聞發

人道始羣之理。案此譯不知在何年。今已無傳本姑繫於此。

光緒八年壬午一千八百八十二年先生三十歲

法蘭西據我藩屬越南東京。

光緒九年癸未一千八百八十三年先生三十一歲

光緒十年甲申一千八百八十四年先生三十二歲

光緒十一年乙酉一千八百八十五年先生三十三歲

四月直隸總督李文忠公與法蘭西公使會講於天津。爲廣東稅務司德瑞琳所紿。皇遽定約。忌言者摘發疑忌及先生。先生亦憤而自疏。據陳墓志

秋。回籍鄉試。報罷。先生自歸國後。見蘭人竺奮。圖夷新知。於學則徒尙詞章。不求真理。每向知交痛陳其害。自維出身不由科第。所言多不見重。欲博一第。以與當事周旋。既已入其彀中。或者其言較易動聽。風氣漸可轉移。乃發憤治八比。納粟爲監生。應試。據嚴譜及現代文學史○又案詩集卷上與官充水手自壽。非其詞不詳。固金性時時治中。羅每遠高軒。過氣欲徑。溘然爲之下。肩雙足自履。竊問客何操。迺旁曉成云。科目人轉胸皆盡。開不者亦清流。師友動。寧。摩。爾。大。動。心。男兒宜此。若私。携。繞。皇。墳。背。人。事。續。灼。更。買。國。子。生。秋。場。期。有。獲。誰知不量分。鉛刀無一割。此雖戲言。亦可見當時憤懣不平之意。

光緒十二年丙戌一千八百八十六年先生三十四歲

光緒十三年丁亥一千八百八十七年先生三十五歲

光緒十四年戊子一千八百八十八年先生三十六歲

赴京應順天鄉試嚴謹報罷

光緒十五年己丑一千八百八十九年先生三十七歲

報捐同知海軍保案免選同知以知府選用

赴京應順天恩科鄉試

直隸總督李文忠公派爲會辦水師學堂

十月丁內艱以上據嚴謹

光緒十六年庚寅一千八百九十年先生三十八歲

直隸總督李文忠公派爲總辦水師學堂據嚴謹不預機要奉職而已陳嘉志

光緒十七年辛卯一千八百九十一年先生三十九歲

光緒十八年壬辰一千八百九十二年先生四十歲

德配王夫人卒夫人端淑有靈德據陳志及嚴謹

納篷室江淑人嚴生子二。懋。號女一。瑛。

海軍保案免選知府。以道員選用。嚴分發直隸。據宣統元年
諸最新職官錄

時長江教案遽起。先生友英人密克。據伯玉。京卿言。著支那教案論。蓋深憂夫民教不和。終必齟齬兩國。而

又憫西人之來華傳教者。膠執成見。罕知變通。徒是己非人。絕不爲解嫌釋怨之計。故著是書以風

之。書凡四篇。首發端。次政治。次教事。終編輯大旨。支那教案論提要。其後先生善之。譯以行世。案此譯年代

以訊伯玉京卿亦不能確指。但曰譯去原書出版時不遠。茲繫於此林耀華。嚴復社會思想直云譯於本年則誤。讀提要原書成於光緒十八年一言也。外人常疑中國真教之

所在。以爲道非道。以爲釋非釋。以爲儒教乎。則孔子不語神。不答子路事鬼之問。不若耶穌自稱抹

主。謨罕嘉德自稱天使之種種炫耀靈怪也。先生曰。須知目下教字。固與本意大異。名爲教者。必有

事。天事鬼。及一切生前死後幽杳難知之事。非如其字本義所謂文行忠信授受傳習已也。故中國

儒術。其必不得與道釋回景並稱爲教甚明。蓋凡今之教。皆教其所教。而非吾之所謂教也。然則中

國固無教乎。曰有。孝則中國之真教也。百行皆原於此。遠之以事君。則爲忠。邇之以事長。則爲弟。充

類至義。至於享帝配天。原始要終。至於沒寧存順。蓋讀西銘一篇。則知中國真教。舍孝之一言。固無

所屬矣。西人謂學之事在知，而教之事在信。唯信之益，故能趣死不顧利害，而唯義之歸。此非教莫之使然也。然中國孝子不以天下忘其親，方正學移孝作忠，至於滿十族不反顧，使西人見此，其詔爲大奇者，又當如何。惜乎世風日微，致西人徒見末流，而不識中國異教之所在也。特於本書案語著之。故事篇 由南洋公學譯書院出版。案亦不能老其年代

光緒十九年癸巳一千八百九十三年先生四十一歲

郭鶴仙侍郎卒，先生聞之，感歎殊甚，有挽句曰：平生憂國士之知，而今鶴翅翬翬，激賞深慚羊叔子。惟公負獨醒之累，在昔蛾眉奮詠，離憂豈願屈靈均，尚有挽詩五律四首，今不存。

回籍鄉試。以上據殿譜

本年次子璫生。伯玉京

光緒二十年甲午一千八百九十四年先生四十二歲

六月我藩屬朝鮮內亂，日本兵襲踞朝鮮王宮，朝命赴援。七月遂與日本開釁，至十月海陸軍皆敗績。先生大憤。殿譜十一日諭子璫書云：時事岌岌，不堪措想。奉天省城與旅順口，皆將旦夕陷倭。陸

軍見敵即潰。經戰即敗。真成無一可恃者。皇上有幸秦之謀。但責恭邸留守。京官議論紛紛。皇上益無主腦。要和則疆敵不肯。要戰則臣下不能。聞時時痛哭。翁同龢及文廷式張謇。這一班名士。痛參合肥。聞上有意易帥。然劉峴莊斷不能了此事也。大家不知當年打長毛捻匪諸公。係以賊法子平賊。無論不足以當西洋節制之師。即東洋得其緒餘。業已欺我有餘。中國今日之事。正坐平日學問之非。與士大夫心術之壞。由今之道。無變今之俗。雖管葛復生。亦無能爲力也。嚴復社
會思想

光緒二十一年乙未一千八百九十五年先生四十三歲

我割地賠款與日本。國勢日危。先生腐心切齒。欲致力於譯述以警世。錄嚴作論世變之亟曰。於乎。觀今日之世變。蓋自秦以來。未有若斯之亟也。夫世之變也。莫知其所由然。強而名之曰運會。運會既成。雖聖人無所爲力。蓋聖人亦運會中之一物。謂爲其中之一物。謂能取運會而轉移之。無是理也。彼聖人者。特知運會之所由趨。而遂逆觀其流極。唯知其所由趨。故後天而奉天時。唯逆觀其流極。故先天而天不違。於是裁成輔相。而置天下於至安。後之人從而觀其成功。遂若聖人真能轉移運會也者。而不知聖人之初無有事也。即如今日中倭之構難。究所來由。夫豈一朝一夕之故也。